

# INUIT ATAQATIGIIT

## INATSISARTUNI



Nuuk, 19. maj 2014

Inatsisartut Suleriaasianni § 37 naapertorlugu Naalackersuisunut imaattunik apeqquteqarpunga.

(Inatsisartunut ilaasortaq Hans Aronsen, Inuit Ataqatigiit)

### Apeqqutit:

- 1. Naalackersuisunit ilisimaneqarpa Kangaatsiamiik Sisimiunut, Maniitsumut Ilulissanullu imaatillugu toqqaannartumik ilaasunik angallassinikkut angalanissaq ajornarluinnarmat?**
- 2. Ilaasunik kiffartuussineq pitsaanerutikkumallugu Kangaatsiaq sinersortaammik aqqusaarneqaaqqissinnaalernissaa isumaqatigiisummi nutaassami naatsorsuutigisinnaavara?**
- 3. Tamannalu pisinnaangippat Kangaatsiamut sinersortaatip aqqusaqqitalernissaanut suut piumasaqaatit naammassisimangilagut?**

### Tunngavilersuut:

Ilaasunik angallassinikkut isumaqatigiisutit 31 december 2014 naassapput, nutaamillu 01 januar 2015-mi atuutilertussamik suliaqartoqassaaq.

Kangaatsiaq ukiuni arlalinngulersuni sinersortaammik aqqusaarneqassaarnikuuvoq, naak illoqarfittut nunaqarfinnullu avalequtaqarnermigut 1500-t missaanik inoqaraluartoq. Siusinnerusukkut aqqusaartarnerani atorluarneqartoq takusinnaavarput, taamanikkut Kangaatsiamiik nunaqarfittatsiniillu sisamaasunit Sisimiunut, Maniitsumut avannamut kujammullu imaatigut toqqaannartumik innuttaasunik angalasoqartarnikuuvoq.

Massakkut innuttaasut silaannakkut imaatigullu angalaniarnermikkut akitigut piffissamillu angalanermi atuinikkut ilungersunartumik inissisimatinneqarput, ullumikkullu ilaatigut Maniitsumut angalaniarnermikkut ulluni arfinilinnik utaqqeqqartaartariaqartarput. Tamanna angalasumut aningaasanik annertuumik atuinermik malitseqartarpoq, annermik ilinniagaqarlutik angalasut eqqarsaatigalugit, sivisuumik utaqqisaramik annertuumillu aningaasartorfigisarmassuk.

Kitaani nunaqarfiit Qeqertarsuatsiakkut, Kangaamiukkut aqqusaarneqarsinnaappata Kangaatsiaq sisamanik nunaqarfittalik katillugillu 1500-t missaanik inulik aqqusaarneqarsinnaasariaqartoq isumaqarama. Kangaatsiarmi umiarsuit aqqutaaniippoq piffissamilu (30 min.) sivikitsumi aqqusaarneqarsinnaalluni.

Sinersortaammik aqqusaarneqartarnerq sorpassuartigut sunniuteqarluartarpoq. Timer-sortartut aasaanerani angalanerisigut, ilaqutariit, inuiaqatigiit takornarissallu akinik unaminernerusunik akiliillutik illoqarfinnut qanitatsinnut angalasarnerat periarfissaqqilissaaq, ilinniartut upernaakkut sinerissamiik angerlarnermikkut aallariartornermikkullu piffissaaq sivikinnerusooq akikinnerusorlu atorlugit angalasinnaalissapput.

Apeqqutit ullut suliffiit 10 ingerlaneranni akeqquneqarput.